

Joibe 24
B. V. M. Ausiliadore

Domenie 27
S. S. Trinità

Miercus 30
Ss. Canzi, Canzian e Canzianile

Il proverbi
Nancje il mont nol è stât fat dut intune di.



Il soreli
Ai 23 al jeve aes 5.27 e al va a mont aes 20.42.

Vinars 25
S. Bede

Lunis 28
S. Margherite

Il timp
Cil cristalin
cun temperaduris cuasi estivis.

Lis voris dal mès
Cuant che al plûf, tirait fûr dai seglots par che si jemplidin di aghe di doprà par bagnà l'ort.



La lune
Ai 29 lune plene.

Sabide 26
S. Filip Neri

Martars 29
S. Orsole

lis GNOVIS

A BIBION CUL «DUM» Vendemis solidariis

Ancje chest an, a coventin volontaris pes vendemis par personis cun disabilitât che la Comunitât di volontariât «Dinsi une man» e je daûr a imbasti, li dai ambients dal «Centro italiano femminile» di Bibion (par informazions, www.dumdisabili.it e www.youtube.com/user/TheDumTube). La esperience comunitarie di solidarietât e di condivison e podarà jessi vivude in 3 moments: dai 25 di Lui ai 3 di Avost, dai 4 ai 16 di Avost e dai 17 ai 29 di Avost. Par informazions e par notâsi, si podarà telefonâur a Elena (333 8255121, lunis di 18 a 21); a Chiara (339 6188171, miercus di 17 a 20) e a Federica (338 9184834, vinars di 16 a 19).

PROGJET SCOLASTIC INTERNAZIONÂL Diplomazie furlane

In grazie dal program europeu «Erasmus+» e de colaborazion dal «Fogolâr» di Lion, la professore furlane Iola De Monte e a rivât a strenzi une colaborazion positive fra l'Istitut «Galilei» di Trevis e l'Istitut «La Mache» di Lion. I students di domotiche des dôs scuels a son daûr a realizâ un projet par judâ lis personis disabilis che a scuognin movisi cuntun cjaruç ator par Vignesie e sù e jù pai siei 434 puints. «Al è facil che a sedin stâts dai muredôrs furlans, dilunc dai secui, a fâ sù i puints di Vignesie – al comente il president dal Fogolâr, Danilo Vezzi –, ore presint e je une furlane che e tire sù altris puints, ma par che i zovins da la Europe a puedin incuintrâsi par fâ progjets di pàs e di socors da la umanità. O bramìn che la professore De Monte, diplomazie furlane, e resti par simpri in contat cul nestri Fogolâr, che al è la ambassade dal Friûl a Lion».

CONCORS PAR ZOVINS CREATIFS Confins, pàs e citadins

Par «rifletti su la permeabilitât, la fragjilitât e la casualità dai confins te creazion des identitâts e te unificazion o te separazion des comunitâts, partint dai savoltaments causonâts de disfate di Cjaurêt», il moviment regionâl dal volontariât «Movi» al à inmaneât il concurs «Sconfinamenti di pace e cittadinanza». Te sezion destinade a lis strichis a puedin concori i fruts fra 11 e 14 agns; la sezion pes contis e je riservade a puems fra 14 e 20 agns. Lis voris a varan di jessi speditis par pueste eletroniche (gialtrisiamonoi@movi.fvg.it) o par pueste normâl («MoVi Fvg», strade Garibaldi 23 di San Denêl), in forme anonime, seont il regolamento publicât su la rêt des rêts a la direzion: <http://movi.fvg.it/wp-content/uploads/2018/05/Sconfinamenti-di-pace-e-di-cittadinanza-light.pdf>.

600 apontaments in Italie. Ancje a Udin, Cormons, Gurize e Pordenon



I 17 «goals» che a saran declinâts intant dai 17 dis dal «Festival talian dal Svilup sostegnibil» e Pierluigi Stefanini, president di «AsviS».

Svilup sostegnibil par ducj

INTUN «MOMENT tant intrigôs pe politiche taliane, il Festival 2018 al publiche un mes clâr e fuart par dute la societât: l'avignî de Italie si à di projetâlu drentri de suaze de Agjende 2030 pal svilup sostegnibil»: a son chestis lis peraulis sielzudis dal president Pierluigi Stefanini e dal puarte vôs Enrico Giovannini di «AsviS» par screâ la seconde edizion dal «Festival talian dal Svilup sostegnibil».

Vie pes 17 zornadis che a van dai 22 di Mai ai 7 di Jugn, il Festival al proponarà passe 600 apontaments, in ogni cjanton dal País, par mostrâ il mût e la maniere di meti in vore i 17 obietifs («Sustainable Development Goals»; in sigle «SDGs»), stabilîts de «Agjende 2030 pal svilup sostegnibil».

Chel program di impegnis e di lavôr, fat bon des Nazions unidis ai 25 di Setembar dal 2015, al propon 169 «Target» che ogni stât al scuern rivâ, par superâ il model di svilup dal di di vuê, che al è daûr a sassinâ il mont sul plan ambientâl, sun chel economic e sun chel sociâl, cemût che Pape Francesc al à palesât te encicliche «Lau-

dato si».

Sostegnibil, di fat, al è dome chel svilup che al permet di garantî par ducj lis sôs necessitâts, cence comprometi la possibilitât da lis etis avignî di apaiâ, ancje lôr, lis sôs necessitâts.

I 17 «goals» che a saran declinâts intant dai 17 dis dal «Festival» a son: 1. Fin de puaretât; 2. Fin de fan; 3. Salût e benstâ par ducj; 4. Educazion di cualitât, juste e inclusive; 5. Parità di gjennar; 6. Disponibilitât di aghe e di servizis igienics par ducj; 7. Acès a sistemis energjetics economics e sigûrs; 8. Lavôr par ducj; 9. Infrastruturis e industrie justis e responsabils; 10. Parità fra lis nazions; 11. Citâts e paîs inclusifs e sigûrs; 12. Produzion e consum sostegnibil; 13. Lote cuintri dai mudaments climaticis; 14. Conservazion dai mârs; 15. Protezion dal ecosisteme terest, des forestis e dal teren e protezion de biodiversitât; 16. Societâts pacifichis e inclusivis e justizie par ducj; 17. Rinovament e infuurtament dal partenariât mondiâl.

Il «Festival dal svilup sostegnibil» al è stât screât an passât, in grazie di «AsviS» (<http://asvis.it>), al ven a stâi la

«Aleanca pal svilup sostegnibil» nassude «par fâ cressi te societât taliane, tai sogjets economics e tes istituzions la cussience dal valôr de Agjende 2030 pal svilup sostegnibil e par ingaiâju ducj te realizazion dai obietifs dal svilup sostegnibil. Cu la «Fondazion Unipolis» e cu la Università romane «Tor Vergata», a colaborin passe 180 organizacions de societât civil (comprendudis «Acli», «Azion catoliche», Centri culturâl «G. Lazzati», «Csi», «Confcooperativis», «Focsiv», Istitut «Jacques Maritain» e «Luigi Sturzo», «Mani Tese» e v. i.). Di chê strade dal «Festival», si son zontadis cun passion e libertât clapis di ogni fate, che a àn prontât un «cartelon» di centenârs di apontaments (<http://festivalsvilupposostenibile.it/2018>).

Ocasions di profundiment e di confront sui 17 «Goals» pal svilup sostegnibil a son stadis inmaneâs ancje tes vilis furlanis. La zornade plui plene e sarà chê dai 24 di Mai. A Gurize, si resonarà di «Abitare sostenibile. Quando l'eccellenza diventa storia», par cure de Università furlane. A Udin, Ateneu, Arpa, Union industriâl di Pordenon e

Emas, a proponaran un dibatiment su «Esperienze di sostenibilitât nell'ottica dell'economia circolare». A Pordenon, «Terraè Officina della Sostenibilità» e animarà une discussion su «Cambiamenti climatici in atto: cosa sta succedendo?».

Intant di chês altris zornadis dal «Festival», Cormons ur darà acet a lis ativitâts par fruts «ConsaPEvolmente» (dai 25 ai 27 Mai); a Udin, la riflessione e tornerà ai 28 («Grow food, not lawns - Urbanizzazione e nuovi sistemi alimentari»); ai 31 («Goals a grappoli: le biotecnologie sostenibili in agricoltura e gli SDGs») e ai 4 di Jugn («Ripensare i modelli abitativi: la bioedilizia»); a Pordenon i ultins doi apontaments a saran inmaneâts ai 28 («Cambiamento climatico: quale energia per il futuro») e ai 31 di Mai («La febbre del pianeta si misura in montagna: dalla modifica della biodiversità alla crescita del rischio»).

La ultime di de sezion furlane dal «Festival», ai 7 di Jugn, si varà di tornâ a Gurize pe convigne: «Diversamente. Spunti creativi per una società diversamente uguale».

MARIO ZILI

PERAULIS in DISMENTIE

• par cure di MARIO MARTINIS •

BALFUERIE

s.f. = bravata
(dal verbo barufâ 'abbaruffarsi', forse con la trasformazione di r in l)
Jacum nol è un di balfuerie.
Giacomo non è tipo da bravata.

DAPRÛF

avv. e prep. = appresso, vicino, accanto
(formata dalla preposizione de e da pröpe "vicino, presso", si tratta della variante di aprûf)
La aghe di cent fontanis e cor daprûf il Nadison.
L'acqua di cento fontane corre appresso al Natison.

ERBOLAT

s.m. = stregone che ammalia con i suoi filtri d'erbe; mago in genere
(dal verbo arborare o erbolare 'cercare erbe')
Il pari di Sunte al jere un erbolat cetant cognossût.
Il padre di Assunta era un mago molto conosciuto.

FALISCJE

s.f. = favilla, scintilla
(di origine incerta, probabilmente mediterranea)
Ator dal pignarûl a colin faliscjis come plumis.
Attorno al fuoco dell'Epifania scendono scintille come piume.

GARP

agg. = aspro, acido, acerbo
(dal latino medievale garbus "aspro, acido", comune nei dialetti nord-occidentali, le cui forme in -e sono contaminate con acerbo, di etimologia incerta, anche se è da confrontare con l'arabo garb "occidente")
Mi plasin i brugnui se no son garps.
Mi piacciono le susine se non sono acerbe.

IMBAST

s.m. = deliquio, perdita dei sensi, svenimento
(deverbale di imbastî "imbastire, cucire a punti larghi; iniziare un lavoro, un discorso, stabilendone i punti principali", dal germanico bastjan "lavorare con rafia" e da qui al provenzale e all'antico francese bastir)
A Vigjiute i stave par vignî imbast.
Luigia stava per perdere i sensi.